

**Bosna i Hercegovina  
Brčko distrikt BiH  
URED-KANCELARIJA ZA REVIZIJU  
JAVNE UPRAVE I INSTITUCIJA  
u Brčko distriktu BiH**



**Босна и Херцеговина  
Брчко дистрикт БиХ  
КАНЦЕЛАРИЈА-УРЕД ЗА РЕВИЗИЈУ  
ЈАВНЕ УПРАВЕ И ИНСТИТУЦИЈА  
у Брчко дистрикту БиХ**



---

Islahijet br.8, telefon 049 218-220, faks 049 218-438  
Ислахијет бр.8, телефон 049 218-220, факс 049 218-438  
[www.revizija-bd.ba](http://www.revizija-bd.ba)

Broj:01-02-03-13-210/16  
R: 08-02; 09-02/16

**IZVJEŠTAJ O REVIZIJI FINANSIJSKOG POSLOVANJA  
Policije Brčko distrikta BiH  
za period 01.01.-31.12.2015. godine**

**Brčko, maj 2015. godine**

## SADRŽAJ

<b>NEOVISNO REVIZORSKO MIŠLJENJE .....</b>	<b>3</b>
<b>1. REZIME DATIH PREPORUKA.....</b>	<b>5</b>
<b>2. UVOD.....</b>	<b>6</b>
<b>3. OPĆI DIO.....</b>	<b>6</b>
<b>4. PREDMET, CILJ I OBIM REVIZIJE.....</b>	<b>7</b>
<b>5. OSVRT NA NALAZE I PREPORUKE IZ PRETHODNE REVIZIJE.....</b>	<b>7</b>
<b>6. NALAZI I PREPORUKE .....</b>	<b>8</b>
6.1 RUKOVODSTVO I SISTEM INTERNIH KONTROLA.....	8
6.2. PRIHODI I PRIMICI .....	9
6.3. PLANIRANJE I IZVRŠENJE TEKUĆEG BUDŽETA .....	9
6.4. PLANIRANJE I IZVRŠENJE KAPITALNOG BUDŽETA.....	11
6.5. POPIS SREDSTAVA.....	11
<b>7. KOMENTAR .....</b>	<b>12</b>
<b>PRILOZI.....</b>	<b>13</b>

Bosna i Hercegovina  
Brčko distrikt BiH  
URED-KANCELARIJA ZA REVIZIJU  
JAVNE UPRAVE I INSTITUCIJA  
u Brčko distriktu BiH



Босна и Херцеговина  
Брчко дистрикт БиХ  
КАНЦЕЛАРИЈА-УРЕД ЗА РЕВИЗИЈУ  
ЈАВНЕ УПРАВЕ И ИНСТИТУЦИЈА  
у Брчко дистрикту БиХ



Islahijet br.8, telefon 049 218-220, faks 049 218-438  
Ислахијет бр.8, телефон 049 218-220, факс 049 218-438  
[www.revizija-bd.ba](http://www.revizija-bd.ba)

**POLICIJA BRČKO DISTRIKTA BiH**  
Na ruke šefa Policije

## NEOVISNO REVIZORSKO MIŠLJENJE

### Predmet revizije

Izvršili smo reviziju finansijskog poslovanja Policije Brčko distrikta BiH (u daljnjem tekstu: Policija) za period 1. 1. – 31. 12. 2015. godine, te reviziju usklađenosti poslovanja s važećim zakonskim i drugim relevantnim propisima.

### Odgovornost rukovodstva

Šef Policije je odgovoran za finansijsko poslovanje Policije i usklađenost poslovanja s važećim zakonskim i drugim relevantnim propisima. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju Policije.

### Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, brojevi 40/08 i 29/14) i primjenjivim okvirom Međunarodnih standardima vrhovnih revizijskih institucija – ISSAI (Službeni glasnik Brčko distrikta BiH, broj 3/15). Ovi standardi nalažu da radimo u skladu s etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno s važećim zakonskim i drugim relevantnim propisima.

Revizija uključuje sprovođenje postupka u cilju pribavljanja revizorskih dokaza o usklađenosti finansijskog poslovanja. Izbor postupka je zasnovan na revizorskom prosuđivanju, uključujući procjenu rizika materijalno značajnih pogrešaka u finansijskom poslovanju. Prilikom procjene rizika, revizor razmatra interne kontrole koje su relevantne za finansijsko poslovanje, u cilju osmišljavanja revizorskih postupaka koji su odgovarajući u datim okolnostima i zadovoljavaju standarde revizije.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

## Pozitivno mišljenje

Po našem mišljenju u finansijskom poslovanju Policije u periodu 1. 1. - 31. 12. 2015. godine, nema značajnih neusaglašenosti s važećim zakonskim propisima kao i planiranim pozicijama budžeta.

Zamjenici glavnog revizora

Amra Ilić, dipl. oec.

---

mr. sci. Savo Grujić, dipl. oec.

---

Glavni revizor

Nekir Suljagić, dipl. oec.

---

## 1. REZIME DATIH PREPORUKA

*Potrebno je sistem internih kontrola poboljšati u dijelu preciznijeg planiranja budžeta, blagovremenog donošenja i ažuriranja podzakonskih akata.*

*Potrebno je postojeću Instrukciju ažurirati u skladu sa Zakonom o Policiji Brčko distrikta BiH.*

*Potrebno je da Policija u skladu s dodijeljenim nadležnostima, u planu budžeta planira prihode koji će u tekućoj godini biti realno ostvarivi tj. naplativi.*

*Potrebno je kvalitetno i realno planirati budžetska sredstva spram potreba Policije, kao i poštivati odredbe Zakona o izvršenju budžeta Brčko distrikta BiH za 2015. godinu, u dijelu efikasnog upravljanja odobrenim budžetskim sredstvima.*

*Potrebno je, u skladu s Odlukom o kategorizaciji radnih mjesta u organima javne uprave Brčko distrikta BiH, donijeti Organizacioni plan (Pravilnik).*

*Potrebno je svojim aktom regulisati dužinu boravka na službenom putovanju, odnosno primijeniti odredbe Odluke Vlade Brčko distrikta BiH o visini novčane naknade za službena putovanja, u dijelu koji reguliše dužinu boravka na službenom putovanju.*

*Potrebno je poštivati odredbe Ugovora, u dijelu propisanog roka izvršenja ugovora.*

*Potrebno je popis imovine potraživanja i obaveza vršiti u rokovima propisanim Uputstvom o radu popisnih komisija i obavljanju popisa sredstava, potraživanja i obaveza.*

## NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA POLICIJE BRČKO DISTRIKTA BiH ZA 2015. GODINU

### 2. UVOD

Obavili smo reviziju finansijskog poslovanja Policije na osnovu ovlaštenja datih Zakonom o reviziji javne uprave i institucija u Brčko distriktu BiH i drugim relevantnim propisima, na osnovu godišnjeg Plana revizija. Revizija je obavljena primjenom adekvatnih revizijskih metoda i primjenljivim standardima revizije.

### 3. OPĆI DIO

Policija, u skladu sa Statutom Brčko distrikta BiH, Zakonom o policiji i drugim zakonskim i podzakonskim aktima, obavlja poslove iz svoje nadležnosti:

- zaštite života i imovine,
- zaštite ljudskih prava i sloboda građana zagwarantovanih Ustavom BiH i Statutom Brčko distrikta BiH,
- sprečavanja, otkrivanja i istraživanja krivičnih djela i prekršaja koji nisu u isključivoj nadležnosti drugih policijskih organa BiH,
- poslove i zadatke koji se odnose na održavanje javnog reda i mira,
- osiguranja određenih ličnosti i objekata u Distriktu,
- poslove i zadatke koji se odnose na održavanje javnih skupova,
- poslove sigurnosti saobraćaja na putevima Distrikta i drugi poslovi u oblasti sigurnosti saobraćaja utvrđeni zakonom,
- poslove kontrole nabavke, držanja i nošenja oružja i municije i vođenja propisanih evidencija,
- druge poslove i zadatke koje Policiji povjeri tužilac Distrikta i druga tužilaštva u BiH,
- poslove koji se odnose na oblast proizvodnje, prometa i skladištenja eksplozivnih materija, koji su u nadležnosti Distrikta,
- poslove koji se odnose na rad agencija za zaštitu ljudi i imovine,
- provođenja propisa o oružju i municiji,
- inspekcijskog nadzora u oblastima iz svoje nadležnosti,
- upravnih i drugih stručnih poslova utvrđenih zakonom ili drugim propisima,
- drugih poslova i zadataka stavljenih u njenu nadležnost u skladu sa zakonom.

Planirani zadaci Policije izvršavani su kroz operativne, stručne, administrativne, pravne i druge aktivnosti, a kojima se obezbjeđuje: zaštita života i lična sigurnost građana, provođenje Ustava i zakona BiH, Statuta Brčko distrikta BiH i ostalih zakona Brčko distrikta BiH, u cilju ostvarivanja zakonitog, blagovremenog i ekonomičnog izvršenja svih poslova iz nadležnosti Policije, postizanje potpunog korištenja svih resursa koji stoje na raspolaganju, potpune odgovornosti zaposlenika i maksimalno korištenje njihovih znanja i kvalifikacija, kao i unapređenja saradnje sa drugim policijskim agencijama i organima Bosne i Hercegovine.

Poslovi Policije obavljaju se u okviru sljedećih organizacionih jedinica:

- Kabinet šefa policije,
- Jedinica opće policije,

- Jedinica saobraćajne policije,
- Jedinica kriminalističke policije,
- Jedinica za istraživanje ratnih zločina,
- Jedinica za podršku,
- Operativno komunikacijski centar,
- Jedinica za profesionalne standarde,
- Jedinica za administrativnu podršku i logistiku.

Organizacionim planom Policije je predviđeno 320 zaposlenih, a na dan 31.12.2015. godine bilo je 294 zaposlenika.

#### **4. PREDMET, CILJ I OBIM REVIZIJE**

**Predmet revizije** je finansijsko poslovanje u 2015. godini, u dijelu planiranja i izvršenja budžeta, ocjena sistema internih kontrola, kao i usklađenost poslovanja sa zakonskim i drugim relevantnim propisima.

**Cilj revizije** finansijskog poslovanja Policije je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu sa zakonskim važećim propisima, kao i primjerenog ponašanja rukovodioca nad sredstvima i imovinom Brčko distrikta BiH. Pored toga revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

**Obim revizije** je utvrđen internim planskim dokumentima revizije finansijskog poslovanja za 2015. godinu.

S obzirom da se revizija obavlja provjerama na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

#### **5. OSVRT NA NALAZE I PREPORUKE IZ PRETHODNE REVIZIJE**

Ured za reviziju izvršio je reviziju finansijskog poslovanja Policije za 2014. godinu i izrazio pozitivno mišljenje, ali su uočene određene nepravilnosti. U Izvještaju o obavljenoj reviziji finansijskog poslovanja za period 01.01.-31.12.2014. godine date su preporuke kojima se sugeriše preduzimanje određenih aktivnosti na unapređenju poslovanja i otklanjanju nedostataka u daljnjem poslovanju.

Na osnovu preporuka iz Izvještaja o obavljenoj reviziji 2014. godine, Policija je usvojila Akcioni plan za realizaciju preporuka iz revizije finansijskog poslovanja broj: 14.0-48-32813/15 od 20.05.2015. godine.

Uvidom u preduzete aktivnosti, te osvrtom na realizaciju datih preporuka utvrdili smo sljedeće:

- **Realizovana je preporuka**

Koja se odnosi na regulisanje ugovornog odnosa sa spoljnim saradnicima za rad u Komisiji, vezanog za visinu naknade po održanom satu predavanja.

- **Djelimično je realizovana preporuka**

Koja se odnosi na popis imovine potraživanja i obaveza.

- **Nije realizovana preporuka**

Koja se odnosi na dinamiku realizacije odobrenog tekućeg budžeta, što je detaljnije obrazloženo u tački 5.2. Izvještaja.

## **6. NALAZI I PREPORUKE**

### **6.1 Rukovodstvo i sistem internih kontrola**

Revizija obuhvata ocjenu sistema internih kontrola, sa naglaskom na funkcionisanje internih kontrola kroz realizaciju programa rada, planiranja i izvršenja budžeta, te usklađenost poslovanja sa zakonskim i podzakonskim aktima.

Na osnovu provedene revizije značajnih procesa poslovanja, izvršili smo procjenu uspostavljanja, funkcionisanja i nadzora sistema internih kontrola.

Ustanovili smo da sistem internih kontrola nije funkcionisao u dijelu:

- dinamike izvršenja odobrenog tekućeg budžeta na pojedinim pozicijama, koja nije pratila predložene kvartalne operativne planove rashoda,
- donošenja Organizacionog plana (Pravilnika), kako je to predviđeno Odlukom o kategorizaciji radnih mjesta u organima javne uprave Brčko distrikta BiH,
- regulisanja dužine boravka na službenom putovanju.

***Potrebno je sistem internih kontrola poboljšati u dijelu preciznijeg planiranja budžeta, blagovremenog donošenja i ažuriranja podzakonskih akata.***

Godišnji Program rada Policije s projekcijama efikasnosti za 2015. godinu broj 15.05-04.12-1913/15 od 10.01.2015. godine, donijet je na osnovu člana 7 Instrukcije za izradu izvještaja o radu, informacija od značaja za bezbjednost, godišnjeg programa rada i mjesečnih planova rada broj: od 14.05-02-2323/09 od 02.03.2009. godine (u daljnjem tekstu: Instrukcija). Pomenuta Instrukcija je donesena na osnovu člana 11 stava 4 tačke 3) Zakona o Policiji Brčko distrikta BiH (Službeni glasnik Brčko distrikta BiH, brojevi: 19/06, 19/07 i 2/08), koji je članom 81 novog Zakona o Policiji Brčko distrikta BiH broj: 01-02-128/09 (Službeni glasnik Brčko distrikta BiH broj 31/09), stavljen van snage.

***Potrebno je postojeću Instrukciju ažurirati u skladu sa Zakonom o Policiji Brčko distrikta BiH.***



## 6.2. Prihodi i primici

Prihodi Policije planirani su u iznosu od 2.132.870,00 KM, a ostvareni u iznosu od 1.485.417,47 KM ili 69,64% od plana.

Struktura ukupnih prihoda Policije na dan 31.12.2015. godine prikazana je u tabelarnom pregledu br. 3 u Prilogu.

U strukturi prihoda Policije najznačajniji su prihodi od novčanih kazni za prekršaje koju su registrovani u Registru novčanih kazni i troškovi prekršajnog postupka, koji su na dan 31.12.2015. godine ostvareni u iznosu od 1.373.378,40 KM ili 68,50% od planiranog.

Prihodi od novčanih kazni za prekršaje su niži od očekivanih, zato što je došlo do smanjenja broja registrovanih prekršaja po osnovu prekoračenja brzine. Osim navedenog, u postupku revizije utvrdili smo da se prilikom planiranja prihoda od kazni kao osnovni parametar uzima broj izdatih prekršajnih naloga u prethodnoj godini, bez korigovanja za očekivani nivo nemogućnosti naplate.

Navedeno ukazuje na činjenicu da je Policija prilikom planiranja prihoda, propustila primijeniti princip opreznosti, tj. prihode planirati po principu što izvjesnije moguće naplativosti.

***Potrebno je da Policija u skladu sa dodijeljenim nadležnostima, u planu budžeta planira prihode koji će u tekućoj godini biti realno ostvarivi tj. naplativi.***

## 6.3. Planiranje i izvršenje tekućeg budžeta

Tekući budžet Policije za 2015. godinu planiran je u iznosu od **10.150.359,56 KM**, a realizovan je u iznosu od **9.533.842,31KM**, odnosno **93,93 %** od plana (Tabela broj 1 u Prilogu).

Realizacija odobrenog tekućeg budžeta, na pojedinim pozicijama budžeta, nije pratila planiranu dinamiku. Nizak stepen realizacije uočava se kod: nabavke materijala 39,53 %, grantova pojedincima 39,60%, izdataka za tekuće održavanje 59,81%, ugovorenih usluga 61,31%, naknada troškova zaposlenih 64,73 %, izdataka za usluge prevoza i goriva 77,06 % i unajmljivanja imovine i opreme 79,88%.

Nizak procent realizacije tekućeg budžeta ukazuje na neadekvatno planiranje budžeta koje se zasniva na prethodnom iskustvu, postavljenim ciljevima i zadacima, kao i ostvarenju osnovne funkcije Policije. Na nizak procent realizacije tekućeg budžeta uticalo je neizvršavanje programskih zadataka Policije i to u okviru naprijed navedenih pozicija.

Također, nizak procent izvršenja na navedenim pozicijama odobrenog tekućeg budžeta navodi na zaključak da Policija nije efikasno raspolagala odobrenim budžetskim sredstvima što nije u skladu s odredbama člana 10 stava 2 Zakona o izvršenju budžeta Brčko distrikta BiH za 2015. godine.

***Potrebno je kvalitetno i realno planirati budžetska sredstva spram potreba Policije, kao i poštivati odredbe Zakona o izvršenju budžeta Brčko distrikta BiH za 2015. godinu u dijelu efikasnog upravljanja odobrenim budžetskim sredstvima.***

Plate i naknade troškova zaposlenih planirani su u iznosu od 8.023.098,21 KM, a realizovani u iznosu od 7.935.352,75 KM, odnosno 98,91% od planiranog iznosa. Navedeni troškovi planirani su za 320 zaposlenih.

Broj zaposlenih se tokom godine smanjivao zbog odlaska u penziju tri zaposlenika, kao i zbog toga što tokom godine nisu raspisivani konkursi za popunu planiranih radnih mjesta.

Vlada Brčko distrikta BiH je 29.04.2015. godine usvojila Odluku o kategorizaciji radnih mjesta u organima javne uprave Brčko distrikta BiH, koja je stupila na snagu 30.04.2015. godine. Ovom Odlukom utvrđuju se kategorije radnih mjesta, kriteriji za utvrđivanje stepena za svaku kategoriju i stepeni kategorija radnih mjesta u organima javne uprave i drugim institucijama Brčko distrikta BiH, koje se finansiraju iz budžeta Brčko distrikta BiH. Odredbama člana 19 (Rok za usklađivanje akata), propisano je da su organi javne uprave i institucije dužni u roku od šest mjeseci od dana stupanja na snagu ove odluke donijeti nove organizacione planove (pravilnike).

Policija nije donijela Organizacioni plan (Pravilnik), kako je to predviđeno Odlukom o kategorizaciji radnih mjesta u organima javne uprave Brčko distrikta BiH.

***Potrebno je, u skladu sa Odlukom o kategorizaciji radnih mjesta u organima javne uprave Brčko distrikta BiH, donijeti Organizacioni plan (Pravilnik).***

Putni troškovi za 2015. godinu planirani su u iznosu 40.000,00 KM a za period 01.01.-31.12.2015. godine ostvareni su u iznosu od 33.205,94 KM, ili 83,01% plana. U okviru ovih troškova na troškove dnevnica u inostranstvu se odnosi 11.706,50 KM.

Obračun troškova službenog putovanja vrši se na temelju Pravilnika o naknadama troškova službenih putovanja zaposlenih u Policiji Brčko distrikta BiH (Službeni glasnik Brčko distrikta BiH, brojevi: 14/08 i 18/12). Odredbama člana 4 stav 2 Pravilnika definisano je da se vrsta i visina dnevnice za službena putovanja, određuje Odlukom Vlade Brčko distrikta BiH o visini novčane naknade za službena putovanja (u daljem tekstu Odluka Vlade).

Uvidom u ostale odredbe pomenutog Pravilnika utvrdili smo da niti jednom odredbom nije definisana dužina trajanja boravka službenog putovanja, dok je Odlukom Vlade u članu 2 definisano da službeno putovanje traje najduže do 30 dana. Upućivanje zaposlenika na rad van Brčko distrikta BiH duže od 30 dana, ne podrazumijeva službeno putovanje i reguliše se posebnim propisom.

Uvidom u obračun troškova dnevnica u inostranstvu, utvrdili smo da je policijski službenik boravio na službenom putu u inostranstvu, u periodu od 29.03. – 16.05.2015. godine, odnosno 48 dana, za što su mu obračunate i isplaćene dnevnice u iznosu od 2.406,50 KM.

Imajući u vidu da Pravilnikom o naknadama troškova službenih putovanja zaposlenih u Policiji Brčko distrikta BiH, nije regulisana dužina boravka na službenom putovanju, trebalo je primijeniti odredbe člana 2 Odluke Vlade, odnosno upućivanje zaposlenika na rad van Brčko distrikta BiH duže od 30 dana ne podrazumijeva službeno putovanje.

***Potrebno je svojim aktom regulisati dužinu boravka na službenom putovanju, odnosno primijeniti odredbe Odluke Vlade Brčko distrikta BiH o visini novčane naknade za službena putovanja, u dijelu koji reguliše dužinu boravka na službenom putovanju.***

Sredstva za nabavku materijala i sitnog inventara planirana su u iznosu od 318.100,00 KM, a realizovana u iznosu od 125.734,16 KM, odnosno 39,53 % od planiranog.

U okviru ovih sredstava planirana je nabavka policijskih uniformi za potrebe policije ukupne vrijednosti 131.811,03 KM. Nakon provedenog otvorenog postupka izabran je najpovoljniji ponuđač, te na osnovu odluke o dodjeli govora zaključen Ugovor o nabavci robe broj: 13-002154/15 od 14.12.2015.godine. Članom 4 ugovora regulisan je rok za isporuku predmeta ugovora i to u roku od 10 kalendarskih dana od dana prijema Naloga za nabavku.

Revizijom smo ustanovili da je Nalog za nabavku izdat 31.12.2015. godine, izvršen 07.03.2016. godine, tako da su sredstva za ove namjene ostala neutrošena u 2015. godini. Na osnovu navedenog zaključujemo da nisu poštivane odredbe Ugovora o nabavci u dijelu propisanih rokova realizacije istog.

***Potrebno je poštivati odredbe Ugovora, u dijelu propisanog roka izvršenja ugovora.***

#### **6.4. Planiranje i izvršenje kapitalnog budžeta**

Sredstva kapitalnog budžeta 2013.-2015. godina planirana su u iznosu 1.567.560,00 KM, a realizovana u iznosu od 1.302.557,77 KM ili 83,09 % od planiranog.

Planom budžeta za 2015. godinu Policiji je odobren kapitalni budžet u iznosu od 600.000,00 KM, a izvršenje na dan 31.12.2015. godine u iznosu od 546.514,49 KM odnosi se na nabavku petnaest putničkih motornih vozila i pripadajuće opreme za motorna vozila, što predstavlja 91,09 % od planiranog kapitalnog budžeta (Tabela broj 2. u prilogu).

Nerealizovani kapitalni budžet iz 2015. godine u iznosu od 53.485,51 KM se odnosi na „Sredstva za komunikacije sa setovima“ (šifra projekta 5778) u iznosu od 3.400,00 KM i „Software“ (šifra 5779) u iznosu od 50.000,00 KM, te iznos od 85,51 KM su preostala sredstava pri nabavci putničkih motornih vozila.

#### **6.5. Popis sredstava**

Na osnovu Odluke o izvršenju popisa i imenovanju Komisije za popis kancelarijskog i drugog namještaja, kancelarijske opreme, sitnog inventara i ostale lične opreme koju koristi Policija, broj: 14.05-13-3812/15 od 20.11.2015. godine, sa stanjem na dan 31.12.2015. godine izvršen je popis i sačinjen Izvještaj Centralne popisne komisije Policije o izvršenom popisu.

U Službenoj zabilješci broj: 14.02-04.12-15208/16 od 02.02.2016. godine, sačinjenoj od strane predsjednika Centralne popisne komisije Policije, je navedeno da su fakture u Direkciju za finansije stizale i knjižene nakon 31.12.2015. godine, odnosno do 29.01.2016. godine, zbog čega popisne komisije Policije nisu mogle izvršiti usaglašavanje stanja do 15.01.2016. godine.

Usaglašavanje knjigovodstvenog sa stvarnim stanjem imovine izvršeno je 02.02.2016, što nije u skladu sa rokom utvrđenim članom 7 Uputstva o radu popisnih komisija i obavljanja popisa sredstava, potraživanja i obaveza.

***Potrebno je popis imovine potraživanja i obaveza vršiti u rokovima propisanim Uputstvom o radu popisnih komisija i obavljanju popisa sredstava, potraživanja i obaveza.***

## 7. KOMENTAR

Policiji je uručen Nacrt Izvještaja o reviziji finansijskog poslovanja za 2015. godinu broj: 01-02-03-13-108/16 na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Policija se očitovala dopisom broj: 14.05-13-30669/16 od 04.05.2016. godine i dostavila primjedbu na nalaz sadržan u Nacrtu izvještaja revizije, koji se odnosi na potrebu regulisanja dužine boravka na službenom putovanju, odnosno primjene Odluke Vlade Brčko distrikta BiH, o visini novčane naknade za službeno putovanje, u dijelu koji reguliše dužinu boravka na službenom putovanju.

Primjedba nije prihvaćena zbog toga što nisu priloženi dokazi koji bi uticali na izmjenu nalaza datog u Nacrtu izvještaja. Stoga dostavljeni Nacrt predstavlja konačan izvještaj.

Tim za reviziju

---

Envera Imamović, dipl. oec.

---

Amra Mehić, dipl. oec.

## **PRILOZI**

Struktura planiranih i izvršenih tekućih izdataka za 2015. godinu, po pozicijama Policije Distrikta prikazana je u sljedećoj tabeli:

Tabela broj 1

Ekonom. kod	Naziv ekonomskog koda	Izvršenje tekućeg budžeta sa 31.12.2014. god.	Planirani tekući budžet 31.12.2015. god.	Izvršenje tekućeg budžeta sa 31.12.2015. god.	Ostvarenje u odnosu na plan (5/4)x100	Ostvarenje u odnosu na prethodnu godinu (5/3)x100
1	2	3	4	5	6	7
611100	Bruto plate	7.760,986,40	7.875.844,21	7.840.038,12	99,55	101,02
611200	Naknade troškova zaposlenih	136.317,54	147.254,00	95.314,63	64,73	69,92
<b>611000</b>	<b>PLATE I NAKNADE TROŠKOVA ZAPOSLENIH</b>	<b>7.897.303,94</b>	<b>8.023.098,21</b>	<b>7.935.352,75</b>	<b>98,91</b>	<b>100,48</b>
612100	Doprinos na teret poslodavca	696.496,66	702.461,35	696.330,59	99,13	99,98
613100	Putni troškovi	54.082,93	40.000,00	33.205,94	83,01	61,40
613200	Izdaci za energiju	87.183,68	87.000,00	80.052,30	92,01	91,82
613300	Izdaci za komun. usluge	102.912,16	110.000,00	96.782,87	87,98	94,04
613400	Nabavka materijala i sitnog inventara	287.624,84	318.100,00	125.734,16	39,53	43,71
613500	Izdaci za usl. prev. i goriva	252.014,82	200.000,00	154.119,66	77,06	61,15
613600	Iznajmljivanje imov. i opre.	5.588,40	7.700,00	6.150,84	79,88	110,06
613700	Izdaci za tekuće održavanje	200.106,68	373.300,00	223.281,28	59,81	111,58
613800	Izdaci osigur., bank. usluge i usl. platnog prometa	40.337,03	49.500,00	39.830,50	80,47	98,74
613900	Ugovorene usluge	111.100,22	189.200,00	116.003,67	61,31	104,41
<b>613000</b>	<b>Izdaci za materijal i usluge</b>	<b>1.140.950,76</b>	<b>1.374.800,00</b>	<b>875.161,22</b>	<b>63,66</b>	<b>76,70</b>
614200	Grantovi pojedincima	23.563,65	50.000,00	26.997,75	54,00	114,57
<b>60000</b>	<b>Ukupan tekući budžet (rashodi)</b>	<b>9.758.315,01</b>	<b>10.150.359,56</b>	<b>9.533.842,31</b>	<b>93,93</b>	<b>97,13</b>

**Budžet kapitalnih potreba**

**Tabela br. 2**

God.	Planirani kapitalni budžet po godinama	Izvršenje kapitalnog budžeta do 01.01.2015.g.	Izvršenje kapit. budžeta u 2015. god.	Izvršeno na dan 31.12.2015. godine (4+5)	Neurošena planirana sredstava na dan 31.12.2015. (3-4-5)	% izvršenja na dan 31.12.2015 (6/3 x 100)
1	3	4	5	6	7	8
2013.	946.060,00	677.135,61	58.055,94	735.191,55	210.868,45	77,71
2014.	21.500,00	9.537,83	11.313,90	20.851,73	648,27	96,98
2015.	600.000,00	0,00	546.514,49	546.514,49	53.485,51	91,09
<b>Ukupno</b>	<b>1.567.560,00</b>	<b>686.673,44</b>	<b>615.884,33</b>	<b>1.302.557,77</b>	<b>265.002,23</b>	<b>83,09</b>

## Prihodi

## Tabela br. 3

R. br.	Ekonom kod	VRSTA PRIHODA	Plan za 2015.	Ostvarenje 2015.	% ostvarjenja
1.	722111	Takse za uvjerenja	6.050,00	1.570,00	25,95
2.	722111	Takse za uvjerenja	300	4.280,00	1.426,66
3.	722114	Taksa za rješenja u upravnom postupku	4.000,00	3.090,00	77,25
4.	722115	Taksa za registraciju oružja	5.000,00	4.393,50	87,87
5.	722123	Taksa na zahtjev rješenja i odobr. za vršenje djelatnosti	300	220,00	73,33
6.	722135	Ostale administrativne takse	0	5,00	
7.	722100	<b>Administrativne takse (1+2+...+6)</b>	<b>15.650,00</b>	<b>13.558,50</b>	<b>86,64</b>
8.	722435	Naknada za izvršeni uviđaj saobraćajnih nezgoda	15.000,00	16.211,50	108,07
9.	722436	Naknada za usluge pratnje specijalnih tereta	1.500,00	3.680,00	245,33
10.	722438	Naknada za izdate obrasce oružanih listova	18.700,00	16.784,00	89,75
11.	722441	Naknade za premještaj nepropisno zaustavljenog ili parkiranog vozila	20.000,00	5.399,83	26,99
12.	722442	Naknade za izvlačenje i prenošenje vozila havarisanog u saobraćajnoj nezgodi na području Brčko distrikta BiH	500	0	0
13.	722443	Nak. za krim.teh preg. voz. radi utvr. br. šasije i br. mot. sa miš. i foto. dok	600	0	0
14.	722443	Nak. za krim.teh preg. voz. radi utvr. br. šasije i br. mot. sa miš. i foto. dok	0	80	100
15.	722444	Naknade za obrazac legitimacije pripadnika fizičkog ili tehničkog obez.	420	1.310,40	312
16.	722446	Naknada za kretanje teretnih vozila gdje postoji zabrana kretanja za takva vozila	45.000,00	48.846,62	108,54
17.	722452	Nak. za otkup lomlj. alu.starog željeza	200	58,79	29,39
18.	722453	Naknada za izdate obrasce "Dozvola za nošenje oružja"	800	257,4	32,17
19.	722454	Naknade za izdate obrasce "Potvrda o prijavi oružja"	500	561,6	112,32
20.	722400	<b>Ostale budžetske naknade (8+9+...+19)</b>	<b>103.220,00</b>	<b>93.190,14</b>	<b>90,28</b>
21.	722554	Naknada za pol.ispita i osposob.za prav.ruk.oružjem	5.000,00	4.738,50	94,77
22.	722791	Ostale neplanirane uplate	4.000,00	551,93	13,80
23.	722000	<b>Ostale budžetske naknade (7+20+21)</b>	<b>127.870,00</b>	<b>112.039,07</b>	<b>87,62</b>
24.	723119	Novčane kazne za prekršaje koje su registrovane u registru novčanih kazni i troškovi prekršajnog postupka-Policija	2.005.000,00	1.373.378,40	68,50
25.		<b>UKUPNO (22+23)</b>	<b>2.132.870,00</b>	<b>1.485.417,47</b>	<b>69,64</b>